

Universiti Malaysia Pahang



GARIS PANDUAN ANUGERAH KECEMERLANGAN INDUSTRI & MASYARAKAT (AKIM)

Disediakan oleh: Pusat Jaringan Industri & Masyarakat | ICoN

Tahun 2020

ANUGERAH RAKAN INDUSTRI TERBAIK

ANUGERAH RAKAN KOMUNITI TERBAIK

KANDUNGAN

Tujuan	3
Maklumat Kelulusan	3
Latar Belakang	3
Asas Pertimbangan	4
Keterangan & Kriteria <u>Anugerah Rakan Industri/ Komuniti Terbaik</u>	5
Bentuk/ Nilai Anugerah	6
Syarat Permohonan	6
Prosedur Pencalonan	6
Proses Penilaian	7
Maklumat Urus Setia	8
Penutup	9

GARIS PANDUAN
ANUGERAH KECEMERLANGAN INDUSTRI & MASYARAKAT (AKIM) BAGI KATEGORI ANUGERAH
RAKAN INDUSTRI/ KOMUNITI TERBAIK

1. TUJUAN

Tujuan garis panduan ini disediakan sebagai rujukan kepada Fakulti/ PTJ untuk memohon **ANUGERAH RAKAN INDUSTRI/ KOMUNITI TERBAIK** dalam penganjuran **Anugerah Kecemerlangan Industri & Masyarakat (AKIM)** di Universiti Malaysia Pahang (UMP).

Dokumen ini mengandungi maklumat merangkumi latarbelakang, asas pertimbangan, keterangan dan kriteria anugerah, bentuk/ nilai anugerah, syarat permohonan dan sebagainya yang akan menjadi sumber rujukan dalam membantu kelancaran pelaksanaan anugerah ini.

2. PUNCA KUASA

Kertas kerja pengwujudan Anugerah Kecemerlangan Industri & Masyarakat (AKIM) telah dibentangkan serta diperakukan di Mesyuarat Jawatankuasa Penyelidikan & Pengembangan Ilmu (JPPI) Kali Ke - 42 Bil. 3 yang telah diadakan pada 21 Jun 2016.

Diluluskan oleh Mesyuarat Jawatankuasa Pengurusan Universiti (JKPU) Kali Ke 100 Bilangan 6/2016 (Sambungan 1) yang bersidang pada 7 September 2016.

3. LATARBELAKANG

3.1 ICoN merupakan sebuah jabatan yang menggalakkan penglibatan dan kerjasama erat antara pihak akademia dan industri serta masyarakat di mana secara tidak langsung dapat meningkatkan taraf hidup dan pendapatan bagi sesebuah komuniti di samping kerjasama strategik institusi ilmu dengan industri. Perkongsian yang kukuh dengan industri serta komuniti ini akan membuka peluang kepada ahli akademik untuk mendapatkan pengalaman dan pendedahan untuk menjadi relevan dengan keperluan semasa di pasaran.

3.2 Buat masa ini, pengiktirafan dan penghargaan yang diberikan adalah disediakan kepada mereka yang menunjukkan kecemerlangan dalam pengajaran & pembelajaran, pembangunan & penyelidikan, penulisan dan sebagainya melalui Anugerah Cendekia Bitara dan Anugerah Akademik Universiti.

3.3 Justeru, atas faktor tersebut serta mengambil kira khidmat sumbangan yang berwibawa dan berkualiti dalam bidang industri dan masyarakat maka cadangan anugerah ini diwujudkan selaras dengan hasrat Universiti untuk memberi insentif dan pengiktirafan bagi menggalakkan staf UMP supaya terus memberi komitmen padu dalam kegiatan libatsama antara Universiti dengan industri dan komuniti.

4. ASAS PERTIMBANGAN

- 4.1 Malaysia berhasrat menjadikan inovasi sebagai peneraju pertumbuhan ekonomi negara dan membangunkan ekosistem inovasi sebagai salah satu lonjakan dalam Pelan Pembangunan Pendidikan Malaysia (Pendidikan Tinggi).
- 4.2 Antara pendekatan yang digunakan adalah *quadruple helix* ataupun konsep lingkaran empat pihak iaitu melalui pengemblingan tenaga antara akademia, industri, kerajaan dan komuniti akan mewujudkan pemindahan pengetahuan (*knowledge exchange*) bagi menjana pertumbuhan dalam bidang keutamaan negara.
- 4.3 Keunggulan Penyelidikan dan Inovasi merupakan salah satu daripada lima lonjakan yang telah dikenalpasti dalam pelaksanaan Pelan Strategik UMP 2016-2020. Melalui lonjakan ini, UMP komited untuk memberikan tumpuan khusus terhadap kemampuan penyelidikan yang memberi impak kepada masyarakat melalui kluster penyelidikan yang berstruktur.
- 4.4 Penekanan juga turut dinyatakan melalui objektif strategik UMP yang keempat iaitu kemampuan sosio ekonomi dan persekitaran. Universiti merupakan wadah dalam memberi impak terhadap pembangunan sosio-ekonomi, persekitaran dan masyarakat. Maka satu gerakan usaha kerja amal kemasyarakatan dan pemindahan pengetahuan dan ilmu ke peringkat yang seterusnya diterjemahkan melalui projek inovasi sosial. Untuk itu, program Universiti Komuniti adalah merupakan gerakan besar-besaran UMP untuk memasyarakatkan universiti melalui pengetahuan dan teknologi.
- 4.5 Oleh itu, sebagai penghargaan kepada jasa dan pengorbanan yang diberikan oleh warga UMP terhadap keterlibatan dalam aktiviti dan program libatsama industri dan komuniti, perlunya anugerah ini diwujudkan bagi memberi pengiktirafan kepada warga UMP di samping sebagai pemangkin kepada usaha untuk meningkatkan kebertanggungjawab warganya menyumbang ilmu dan kepakaran dalam pembangunan industri dan komuniti.

5. KETERANGAN & KRITERIA **ANUGERAH RAKAN INDUSTRI/ MASYARAKAT TERBAIK**

Objektif Anugerah	Bagi memberi pengiktirafan dan penghargaan kepada rakan industri / komuniti atas kerjasama mampan dalam pelaksanaan program / projek jaringan industri dan komuniti berimpak tinggi
Kategori Anugerah	Terbahagi kepada dua (2) iaitu: i) Anugerah Rakan Industri Terbaik ii) Anugerah Rakan Komuniti Terbaik
Kriteria Anugerah	<p><u>Anugerah Rakan Industri Terbaik</u></p> <p>(a) Wujudnya kelestarian hubungan dengan UMP. (b) Rakan Industri memberi sumbangan kewangan atau nilai setara kepada UMP. (c) Program / Projek menghasilkan libatsama pelbagai peringkat misalnya UMP / Staf / Pelajar / Komuniti / Industri. (d) Penglibatan projek/bidang kerjasama Industri tidak terhad kepada satu program/projek sahaja (boleh pelbagai bidang/program/projek kerjasama). (e) Terdapatnya kesan/impak projek jaringan kepada UMP dan kumpulan sasaran.</p> <p><u>Anugerah Rakan Komuniti Terbaik</u></p> <p>(a) Wujudnya kelestarian hubungan dengan UMP. (b) Terdapatnya sumbangan kewangan atau nilai setara dalam pelaksanaan program/projek komuniti. (c) Terdapatnya libatsama di peringkat/pelbagai peringkat UMP / Staf / Pelajar/ Komuniti/Industri. (d) Penglibatan pelbagai bidang /pelbagai pemegang taruh (<i>multi-stakeholder</i> dan <i>multi-disipline</i> (tidak terhad kepada satu bidang kerjasama sahaja). (e) Terdapatnya kesan/impak projek jaringan kepada UMP / kumpulan sasaran.</p>

6. BENTUK/ NILAI ANUGERAH

- 6.1 Tiga (3) pemenang akan dipilih bagi setiap anugerah iaitu tempat pertama, kedua dan ketiga.
- 6.2 Pemenang akan menerima cenderamata iringi berbentuk trofi dan sijil penghargaan. Fakulti / PTJ berkaitan (terlibat dalam jalinan kerjasama) akan turut menerima Sijil Penghargaan.
- 6.3 Pemenang akan diberi penghormatan untuk hadir ke Majlis Rasmi Universiti (contohnya : Majlis Konvokesyen, Anugerah Cendekia Bitara, Anugerah Kualiti dan sebagainya) sebagai Tetamu Khas.

7. SYARAT PERMOHONAN

- 7.1 Terbuka kepada rakan Industri dan komuniti UMP (NGO, organisasi komuniti, badan berkanun dan sebagainya).

8. PROSEDUR PENCALONAN

BIL.	PERKARA	KETERANGAN
1.	Prosedur Pencalonan:	<ul style="list-style-type: none">• Pencalonan dibuat berdasarkan Pencalonan Fakulti/PTJ.• Pencalonan adalah berdasarkan program keterlibatan industri/ komuniti yang dijalankan sepanjang <u>tahun 2019 sahaja</u>. Walau bagaimanapun, sekiranya program yang dijalankan telah dimulakan sebelum tahun 2019 dan masih berterusan ke tahun penilaian, ianya boleh diambil kira.• Fakulti/ PTJ hendaklah mengisi borang pencalonan Anugerah Kecemerlangan Industri & Masyarakat (AKIM) bagi Anugerah Rakan Industri/ Komuniti Terbaik.
2.	Dokumen yang perlu diisi dalam permohonan	<ol style="list-style-type: none">1. Pernyataan ringkas berkaitan sumbangan dan pencapaian bagi keterlibatan industri/ komuniti (250 patah perkataan).2. Portfolio Rakan Industri/ Komuniti. Rujuk PANDUAN PORTFOLIO ANUGERAH RAKAN INDUSTRI/ KOMUNITI TERBAIK YANG TELAH DISEDIKAN.3. Sebarang dokumen sokongan yang berkaitan sebagai bahan bukti sumbangan dan pencapaian. Contoh : keratan / salinan media cetak, rakaman, gambar projek / aktiviti, penyata geran, laporan teknikal, sijil, surat dan sebagainya.

9. PROSES PENILAIAN

9.1 Penilaian adalah berdasarkan kriteria dan pemberat yang dipersetujui oleh Jawatankuasa Penilai Anugerah Kecemerlangan Industri & Masyarakat (AKIM) UMP.

9.2 Jawatankuasa ini akan meneliti dan menilai semua permohonan bersama dengan semua bahan bukti termasuk portfolio.

9.3 Jawatankuasa Penilai ini terdiri daripada :

- Pengerusi : Timbalan Naib Canselor (Penyelidikan & Inovasi)
- Sekurang-kurangnya dua (2) orang staf akademik terdiri daripada ahli Jawatankuasa Penyelidikan & Pengembangan Ilmu.
- Sekurang-kurangnya dua (2) orang Penilai Luar.
- Setiausaha / Urusetia – Pusat Jaringan Industri & Masyarakat (ICoN)

9.4 Bagi PENILAIAN PROJEK KOMUNITI juga mengambil kira elemen berikut:

(a) NBOS

Impak Tinggi : Projek membawa impak yang tinggi ke arah mentransformasi masyarakat setempat. (Definisi impak: satu proses/kaedah baru pihak universiti menyediakan perkhidmatan atau tindakan yang memberi impak yang tinggi dari sudut perspektif komuniti).

(i) Impak projek terhadap komuniti dari segi:

- Bilangan penerima manfaat
- Kekkerapan dan tempoh menerima manfaat
- Potensi skala untuk meningkatkan penerima manfaat
- Keutamaan manfaat kepada komuniti

(ii) Bidang keutamaan projek adalah memberikan impak dalam mana-mana kaedah seperti berikut:

- Meningkatkan pendapatan
- Mengurangkan kos sara hidup
- Meningkatkan produktiviti
- Meningkatkan perlindungan dan keselamatan
- Menambah kemudahan
- Memupuk kebanggaan Negara

(iii) **Pelaksanaan Pantas**: Objektif projek dapat dicapai dalam tempoh 9 – 12 bulan, dan impak projek sampai ke komuniti sasaran.

- (iv) **Kos Minima (Keberkesanan Kos):** Projek menjimatkan perbelanjaan berbanding dengan kaedah konvensional, melalui aplikasi prinsip NBOS.
- (v) **Kelestarian/Mampan:** Projek mempunyai potensi untuk kesinambungan selepas tamat dan kesesuaian untuk diadaptasi dan dilaksanakan di tempat lain.
- (vi) Lain-lain Kriteria penilaian:
 - **Multi-stakeholder & multi-disiplin** – Penglibatan pelbagai pihak berkepentingan (industri/komuniti/NGO/agensi kerajaan) dan perkongsian kepakaran merentas disiplin untuk berkongsi/mengurangkan kos pelaksanaan dan meningkatkan impak kepada komuniti.
 - **Perkongsian ilmu/teknologi** – Projek memperkasakan komuniti sasaran melalui perkongsian ilmu/teknologi yang relevan di universiti.
 - **Keternampakkan (*visibility*)** – Program/projek komuniti yang meningkatkan keternampakan jaringan industri & komuniti UMP pada pandangan umum.
 - **Sumbangan tenaga** atau sumbangan **kewangan tunai / *in-kind*** yang signifikan.
 - **Penglibatan dan sokongan** yang aktif & **lestari** sepanjang projek.
 - **Perkongsian kepakaran/ilmu** yang meningkatkan impak projek kepada komuniti.

10. MAKLUMAT URUS SETIA

- ***Urusetia Anugerah Kecemerlangan Industri & Masyarakat (AKIM) UMP
Pusat Jaringan Industri & Masyarakat (ICoN)
Universiti Malaysia Pahang, Kampus Gambang***

*09-549 2601 (En. Mohd. Raizalhilmy Mohd. Rais)
09-549 2621 (Pn. Halizan Mohmood)
09-549 2790 (Pn. Rozianawati Haji Mohd. Isa)
09-549 2615 (En. Mohamad Hafizuddin Ramli)*
- Borang permohonan yang tidak lengkap atau tidak memenuhi kriteria yang ditetapkan tidak akan dipertimbangkan.
- Keputusan Jawatankuasa Penilai AKIM adalah **MUKTAMAD** dan akan dimaklumkan kepada pemenang dan Dekan/Pengarah/Ketua Jabatan PTJ.

11. PENUTUP

Diharapkan garis panduan ini dapat membantu Fakulti/ PTJ untuk memohon **ANUGERAH RAKAN INDUSTRI/ KOMUNITI TERBAIK** dalam penganjuran **Anugerah Kecemerlangan Industri & Masyarakat (AKIM)** di Universiti Malaysia Pahang. Sekian.